



Kit ujian air liur hanya di makmal



ADHAM BABA

Oleh AMREE AHMAD 14 Jun 2021, 7:35 pm

PUTRAJAYA: Penggunaan kit ujian air liur bagi saringan awal wabak Covid-19 secara sendiri belum boleh dilaksanakan di negara ini walaupun sudah meluas digunakan di makmal.

Menteri Kesihatan, Datuk Seri Dr. Adham Baba berkata, kit berkenaan juga perlu melalui siri proses penilaian ketat oleh pihak berwajib sebelum diberikan kelulusan untuk pemasaran.

“Perkara ini saya akan umumkan dalam masa terdekat dan buat masa sekarang, kit ini hanya boleh dipakai dalam makmal dengan pemantauan kalangan petugas terlatih sahaja,” katanya dalam sidang akhbar Program Imunisasi Covid-19 Kebangsaan (PICK) yang turut disertai Menteri Sains, Teknologi dan Inovasi, Khairy Jamaluddin, di sini hari ini.

Terdahulu, Ketua Pengarah Kesihatan, Tan Sri Noor Hisham Abdullah pada 8 Mei lepas memaklumkan ada dua syarikat menawarkan kit ujian itu untuk dijual di farmasi tempatan.

Dua jenis peranti berbeza itu membolehkan masyarakat membuat saringan secara sendiri tanpa perlu lagi pergi ke pusat ujian kerana masalah jarak dan kekangan masa terhad.

Namun pada 27 Mei lalu, Adham menegaskan bahawa kit tersebut belum dapat dipasarkan meskipun pengeluarannya itu mendakwa ada kelulusan Persatuan Peranti Perubatan Malaysia.

Pada masa sama, kit pernafasan yang dibangunkan Singapura seumpama peranti penguji paras kandungan alkohol pemandu mabuk di jalan raya turut diteliti Kementerian Kesihatan.

Mengulas lanjut, beliau menjelaskan, pihaknya turut berhasrat agar kit saringan yang lazim iaitu RTK Antigen juga dijual kepada masyarakat di farmasi untuk ujian secara sendiri di rumah.

"Harganya kelak dikawal supaya berpatutan kerana Ordinan Darurat yang diwartakan pada awal tahun ini turut menetapkan harga siling bagi pelaksanaan ujian saringan itu," katanya.

Justeru kata beliau, sekiranya ada klinik swasta cuba mengambil kesempatan mengenakan harga terlalu tinggi tanpa diperincikan kos sebenar, orang ramai boleh membuat aduan rasmi.

Adham menambah, sehingga 12 Jun lalu, sejumlah 13,210,455 ujian saringan dilaksanakan di seluruh negara dengan sebanyak 629,894 ujian itu telah dilakukan sepanjang minggu lepas.

Selangor ujar, Adham, merekodkan saringan yang paling banyak pada minggu lalu iaitu 148,141 manakala Wilayah Persekutuan Putrajaya pula paling kurang dengan cuma 2,365 ujian. – UTUSAN ONLINE


BERITA SELANJUTNYA




Kit ujian nafas kesan Covid-19 masih diteliti



Trouble-free skin with special honey mask!



Cuepacs gesa buat PKP sepenuhnya



Inilah Cara Menjana Wang dengan Bitcoin



Melaka buka pusat saringan Covid-19 sendiri



Ikut, lumur anak dengan madu supaya disengat...



Ketua Polis Negara mati



"Hana dapat 7A, tapi dia



Bunuh, rogol anak



POPULAR



Pengusaha katering 'bertarung' teruskan kehidupan harian

15 Jun 2021, 9:27 am



Keunggulan tokoh tafsir OKU

15 Jun 2021, 9:25 am



Hotel, resort ibarat dalam ICU

15 Jun 2021, 9:17 am



Covid-19: China guna dron pantau pergerakan penduduk

15 Jun 2021, 9:15 am





Lapan lelaki dikompaun RM2,000, sebuah premis RM10,000

Jemaah haji Malaysia yang selalu dirindui

Taktik licik tauke emas

Sepanyol akur gagal jinakkan si keras kepala Sweden

Slovakia menang bergaya, Poland terpaksa gigit jari

Legenda badminton Indonesia Markis Kido meninggal dunia

BERITA BERKAITAN



Pengusaha katering 'bertarung' teruskan kehidupan harian

15 Jun 2021, 9:27 am



Hotel, resort ibarat dalam ICU

15 Jun 2021, 9:17 am



Covid-19: China guna dron pantau pergerakan penduduk

15 Jun 2021, 9:15 am





Buka perniagaan bukan keperluan utama

15 Jun 2021, 9:07 am



PREMIUM

LANGGANAN

Hak cipta terpelihara © 2021 Media Mulia Sdn. Bhd.

Terma dan Syarat
Hubungi Kami